

# الروح معصومها

## و مقالات الأدبية

صاحب وناشری

شمس کتبخانه سی صامبی

محرری :

محمد مهراول

• معارف نظارت جلیله سنک رخصتیه

در سعادت

مکتبہ صبا للنگ نطبعہ

س ۱۳۱۱





( چوجوق )

شاطوبريان « كدر يکزی داغيتق ايسترسه کز اويقويه دالمش  
برچوجوگك حالنه باقکيز ! » ديسور . ديگر برشاعرده « برچوجوق  
اومعصومانه حاليله اودامك قبوسندن ايجري کيررکن دوشونولمه سي  
لازم کلن هر برشي اونتورم ! » ديه حسياتي ترجمه ايديسور .

چوجوق صوکرده دن انسان اولاجق برملکدر . بوملکي هرکس  
سوه . چوجوق کوزلرني قايوبده خواب صفا پروره دالديغي وقت اويقو  
ملکلرينك کوزلرينك اوزرينه بربرده زرین چکمه سي دوداقلرينك  
اوستنه چوجقلردن باشقه کيمسه ده کورولمه سي قابل اولمايان —  
معصومانه برتبسم وضع ايله مه سي نه قدر خوشدر !

کونش منوردرد: جهانمزي غرق نور ايلر . قر ، شعاعلريله شاعر لري  
چيلديرته جق درجه ده کوزل برمهتاب تشکيل ايدر .

افقده اوچان ابرزرين ، فکر شاعرانه يه مالک اولانلرک خوشنه  
کيدر .

دکر خورشيدک انواريله بر آينه مجلا حالنه کيرر اکثريته کوپورور  
ساحله کي طاشلره بياض چيچکلرني صاچار قوش قانادي قدر بريلکن  
افقه دوغرو اوچار .

ایلك بهار ، زنگارنك شكوفه لریله عرض لطافت ایلدی . بلبل حزین  
 حزین باغیرر .  
 برجویبارك براق موجهلری طاشلارك آراسندن اینهرك چنلری  
 طراوتیاب ایلدی .  
 کونش ، قمر ، ییلدیزلر ، بولوتلر ، مهتاب ، دگر ، افق ، بهار ،  
 چیچکلر ، بلبل ، جویبار هپسی شاعرانه ، هپسی کوزلدر .  
 بن بولطافت نامتاهینك اوزرینه برلطافت بی پایان دها علاوه  
 ایلدی بونلارك هپسی ملك چهره لی برچوجفك یوریمك ایچون ایلك  
 آدیمنی آتارکن کسب ایتدیکی وضعیت معصومانه یه فدا ایدرم ! ..

( تخطر )

مینى مینى ذکائی ، بویننده صارى برچنغراق اصیلی کوچوك  
 بیاض کدیسنى قوللری آراسنه آلدی ملکلرك عالم بالای سمرمدیتدن  
 کوچوجك دوداقلرینه اهدا ایله دکلری تبسم معصومانه ایله قوللری آرا-  
 سنده کی کدیسنه نظرانداز شفقت اولارق مردیوهنی چیقدی صوفیه  
 کلدی . کدیسنى یره براقدی . مشغول اولمغه باشلادی .  
 بو اشتغالی آره سنده ، الما دالنگ اوستنده ساللانمغه باشلایان

برقوش نظرینی تحویل ایتدی بر پنجره یه یاقلاشدی پارماغنی قفسک  
آرالغندن اوزاتدی بوآئنده حاصل اولان اوفاجق بر چیتدی قوشی  
اور کوتدی . بومینی مینی صیادک کوچو جوك بجه سندن قورتولمق ایچون  
قانادلرینی تحریک ایتدی . اوچدی .

چو جوق — صاری صاچلر له اوستنه نور اینمش ظن اولونان  
— باشنی پنجره نك کنارینه دایادی . اوزاقده دكزك پنه سیسلی  
ایچنده ، کونشك صوك شعاع آتشینی آره سنده آل اطلسندن یلکنلر  
آچمش کبی کورونن کیملری بر مدت سیر ایتدی .

بر آز صوکره — هر صاحب تأثرک ، خصوصیه او کسوزلرک  
روحلرنده بر حزن او یانديران — اقشام زمانک سکون غریبانه سی  
آره سنده اذان سسنی ایشتی .

سوینچندن بردن بره چیرپندی . بر مرآت زرینی آکدیران قر  
عرض دیدارایله یوردی مسرتدن مرکب بر هجان معصومانه ایله کدیسنی  
قوجاغنه آلدی . پنجره نك کنارینه کتیردی .

« آی دده » دیدی .

آنسزین ذهنی رؤیاظن ایتدیکی بر خاطره کدرانکیزایله دولدی .  
بر قاچ کون اول — آی هر کوردیکی وقت اعتبار ایتدیکی کبی — خسته  
بولونان والده سنی پنجره نك یانه دعوت ایدره ک « باق ! آی دده ! »  
دیمشدی ده بوکا بر ایکلتی جواب ویرمشدی . ایرته سی کون ایسه اوک  
ایچنده آقیدیلان کوز یاشلری ، چیقاریلان فریادلر آراسنده والده سنی

حامل اولان تابوتك كوتورلديكى ، باباسنك آغلادىغى كورمشدى .  
 معصومك ذهنى بوخاطره كدرانكيز احاطه ايدرايمز ، كوچوك  
 قلبنك عكس خجاسندن تترهين سسييله :

— آنه !

ديه هايقردى .

مىنى مىنى ياورونك ، الك قاتى قلبلىرى كرىهريز تاثيرايدن بو حزين  
 اوتوشى بيوك صوفه نك ايچنده تكرار ايتدى .

چوجوق — كدىسى ده قوجاغنده اولديغى حالده — باباسنك  
 قوللريله احاطه اولوندى . پدر ، ياوروجفنك آل ياناقلرينى اوپرکن ،  
 معصوم :

— باباجغم ! ديه سسلندى .

— نه وار ، ايكى كوزم ؟

— باق آى دده !

— كوردم !

— هم ده ديه جكدم كه . . .

— نه ديه جكدك ؟ . .

— آنه م آرتق كلميه جكمى ؟

طالعسنز پدر ، والده سندن محروم قالان ياورويى كوكس اوستنده  
 صيقدن سوكره كوز ياشلريله جواب وىردى ! . .


چوجوق قوللريني صاليويردى . كدى دوشدى . اوزون  
كيرپكلريني ياواش ياواش اينديردى . تاثرات معمومانه سنى تفسير  
ايچون حزين برصورتده ايچنى چكدى ! . . .

( برتبسمك تاثيرى )

قومشونك اوندن كيجه ياريسنى اخطار ايدن ساعتك صداسى ،  
كيجهنك سكوتى آراسنده حزين برصورتده عكس ايتدى . تشرين  
تاينك صوتوق روزكارى داللى اهترازه كتيرييور ، ايجه بر ياغمور  
سرپوردى .

كنج والده ، قلبى مكدرد ، كوزلرى ياشلى ، ذهنى مشغول اولدينى  
حالده ، موم اسكملهسنگ اوستنده بايغين برضيا نشر ايدن قنديلك  
چيترديسنى ديكلييور ، اغير اغير ساللاديني بشيكك ايچنده كوچوك  
قزينك - هرچوجوغك اويقو حالنده برعظمت معصومانه ، برلطاقت  
دل آورانة عرض ايدن - تبسمنه باقيوردى .

قلبى مكدرد ايدى : بوزواللى قادينك اك معزز پناهى ، يكانه  
الجهكاهى اولان والدهسى درت كون اول وفات ايتمشدى . اندن بشقه  
مدار تسليسى يوقدى . بيتمز ، توكنمز كدرلريني اكا آكلاتير ، آندن  
استمداد ايدر ، آندن تسلى بلكهين كوزلرى ياشلى ايدى : ايكى سنه



اول کنديسنى دائره  
 محرميته آلان قوجهسى  
 چايقين اولديغى قدر  
 عشرته منهيمك بولنديغندن  
 همان هر كجه صباحه قارشى  
 كله كى اعتياد اتمشدى .  
 كوزلرى برشعله دهشت  
 اراسنده آتش نثار اولور ،  
 اللرى تتر ، شو حاللرينه  
 براز اعتراض ايتك ايسته ين  
 زوجه سته يومرو قلرينى  
 قالد يرردى . ايلرو سچون  
 يرعائله نك مشعله هدايتى  
 اولمق لازم كان بويله بر پدر  
 ايجون آغلامقده حقلى  
 ايدى .

ذهنى مشغول ايدى :

معتاددن زياده كچيكمش

اولان قوجهسى

عجبانره ده ، هانكى ميخانه ده صيزم شيدى ؟ يا خود عودت ايدر كن



( بورا )

آدمه ڈوشوب قالمشی ایدی ؟ احتمال که یولده کلیرکن برینه تصادف ایتمش

«اكا تعرض ايله مش ، كوكسنة برقا صابلامشدى ! ياخود مسكراتك دهشتلى برصدمه سيله بردن بره ترك حيات ايتمشدى ! ايسته بونلرى دوشونبوردى . ياوروجق ميني ميني قوللرني تحريك ايتدى ، كوچوك خوداقلرى بوروشور كې اولدى . دوداقلرينك آراسندن شويله براسترحام معصومانه چيقدى :

— « برورا ! »

صو ايتيوردى .

والده ماصانك اوستنده طوران باردانغى آلى . بارداقده كى صويك بر آزىنى فجاناه قويدى . چوجوغك دوداقلرينه ياناشيدردى . قاپى شدتله چاليندى . بو آنده ، بر كوك كوزولتوسى قاينيك چالتمه سندن حصوله كلن صدايى باصديردى . والده ، بو صدايى ايشيده . مدى . او ، ياوروجغنك براحتشام لطيف ايچنده عالم منام لطافته سوزولوب كى تىكى تماشايه دالمشدى . قاينيك ايكنجى دفعه چالينيشى دهها شدتلى ايدى . آنجق بوكره درمانسز قادين قالقدى . مرديوهن باشنه باغلى اولان اىي چكدى . قاپى آچلدى . چوجوغنك يانسه عودت ايله دى . ياغمور ديمك اوزره ايدى . قوجسى مرديوهنلردن ساللانه ساللانه چيقيور ، « تىبل قارى ! اويقو بودالاسى ! » ديه هايقيريويدى . قاينيك او كنده دورديغى صيره ده ، اينجه اينجه سريلن ياغموردن بر آز ايسلامشيدى . او طه دن ايجرى كيرركن سندهلدى . باشندن فسنى

چیقاردی . یاتاڭک اوستنه آندی . صوکره دیواره دایاندی ده زوجه -  
سنه دیدی که :

— تبیل ! براز دها کلیه یدک بوتون بوتون ایصالنه جقدم !  
اووقت قابیی قیرار ، سنک ده بینکی داغیتردم !  
والده هنوز دالمش اولان چوجوغک اویانمه سندن ، قورقه سندن  
احتراز ایدرک باشنی چویردی . قوجه سنه استرحامی ایما ایدر برصدای  
حزین ایله :

— چوجق اویانه جق ! دیدی .

حریف سرخوشلق ساقه سیله نه سویله دیکنی بیله دیکندن بتون  
کائنات نظرنده هر درلو نقایصدن بری اولان یاورو ایچون :

— کبرسین !

انکسارینی ایتدی دأما کهواره سعادتده متبسمانه چیرینغه لایق  
اولان معصومک قاره طوپراقلره کیرمه سنی روا کورن، بوکله ، والده یی  
عصبی بر رعشه ایله تیترتدی . کوزلرندن آتشلر صاحیلدی . ضعیف  
برصدایله :

— نچون انکسار ایدیورسین ؟ دیدی .

سرخوش ایکی آدیم ایلرله دی . قادینک یانه کلدی . قان ایچنده  
بارلایان کوزلرینی آچدی . « بکا جواب ویریورسین ها ؟ » دیدی .  
یومروغنی قالدیردی . اولکی سوزینه علاوه :

— دها سویله یه جک میسین ؟ دیدی .

قادينك محزون باقيشلى كوزلرى ، دوادقلىرىك تيرمه مەسى قور .  
 قديغنى ايما ايديوردى . باشنى قوجاسنه چويرمش اولديغى حالده ،  
 ياوروسنى قانادلريله محافظه ايند بر كورجين كې ، قوللرني بشيكك  
 اوزرينه آچدى . « بكا دو قونما ! ياوروجم قورقار ! » ديدى .  
 حريفك يومروغنى قالدروب دهشت نثار كوزلرني قارىسنة عطف  
 ايمەسى ، قادينك ايكي قوللرى آلتدەكى چوجونك معصومانه اويوماسى  
 رقت انكيز برلوحه ايدى .

آشين بر شمشك مخوف بر قيزلق نشر ايتدى . كوك دهشته  
 كورله دى . ياغمور شدتله ياغمغه باشلادى . چوجوق بر حركت  
 ايتدى . اوزون كيرپيكارله مزين كوزلرني آچدى . والدهسنة ،  
 بر پدرينه باقدى . بو معصومانه باقيشى ، اك كدرلى انسانلرى بيله  
 مستغرق شطارت ايند دو اقلرنده پيدا اولان معصومانه بر تبسم تعقيب  
 ايتدى . ايكي روح اوزرنده بيوك بر تاثير حصوله كتيردى . پدر  
 كرى چكيدى . بر لاقيردى سويله مکه مقتدر اولامادى . بو سحرلى  
 تبسمه قارشى تيرمه يهرك ياناغنه ياتدى . والده هر شيشى اونوتدى .  
 كوز ياشلرني بوتبسمدن انتشار ايند هواى نسيمى معصوميت قوروتدى .  
 مكدور روحى بر عالم شطارته دالدى . اوت ! بعضاً بر قيش اك آجى  
 كدرلر اونيوتدورر ! بعضاً بر تبسم اك مدهش جنيايتلرى منع ايدر ! . . .

( تارلادن عودت ) صحیفه ۱۶

نگاه متفکرانه سی کتاب طبیعتی قلب معصومانه سی صحایف محبتی  
 او قویور ! سحائب رنگارنگ سحرک پنبه سیسلرله احاطه ایتدیکی حقیر  
 قولوبه سندن چیتشمس ، یئیل داغلرک دو مانلرله مستور تپه لرندن نبعان  
 ایدوب ازهار لطافت نثار بهارک جلوه کاهی بولونان سحرالره آقان کوچوک  
 بردکرمنی اداره ایدن دهرنک صاف ، برآق صویله ییقانش اولدیغی  
 حالده اوتلر آره سنده ، چیچکلر ایچنده برسودا کلبکی کبی اوچان چغیجی  
 قزینه باقکر !

نگاه متفکرانه سی کتاب طبیعتی ، قلب معصومانه سی صحایف  
 محبتی او قویور !

سحر دن اوچش بیاض بر بولوت بارچه سنی اکدیران اورتونک آلتنده کی  
 اوزون ، سیاه صاچلری خفیف خفیف اسن نسیم لطفک چیچکلردن  
 کتیردیکی قوقولرله تعطیر اولنور . دهان اشتیاق ایله سزاوار  
 تقییل اولان جبین صافی - سیاه صاچلرینک ظلالندن دولایی -  
 کسوف جزئی بی تنظیر ایدر ، کوزل قاشلری ، ایری ، سیاه کوزلری ،  
 کوزلرینی قاپادینی وقت یکدیگرینه قاریشان اوزون کیرپیکلری بر  
 رسامی حیران ، بر شاعری پر ستشکار ایده جک درجه ددر . اساطیر

پر یلرینه لایق اولان چهره سی ، لطیف کردنی ، چهره سنه -  
 تعریفی غیر قابل - بر احتشام معصومانه بخش ایدن بورنو  
 بورنیه دوداقلرینی تفریق ایلین و کوزل چهره لره - نیلم نصل -  
 بر جاذبه ویرن بلیرسز چوقورجق ، دوداقلرینک اوچلرنده کی قیوریملر  
 ملاحظتی تزید ایچون جناب حقک بر بدیعه سماویه سیدر . قلبنک سرأر  
 معصومانه سنک حسیات مسرورانه سنک ترجمان بلیغ اللسانی ، تأثرات  
 قلبیه ایله بسلمش ، روحندن دوداقلرینه سریش اولان خفیف  
 بر تبسمدر . بوتسم ، کوزلرنده کی علامت تفکری تزید ایدیور !

نگاه متفکرانه سی کتاب طبیعتی ، قلب معصومانه سی صحایف محبتی

او قویور ! ..

کتاب طبیعتک صحایف اعجاز کارانه سنی چویره چویره اوراده منکشه لره  
 معطر اوتلر آتنده ، سحرک کوزلرندن دو شمش بر ژاله ، شفقت  
 الوانه قارشی آچیلش بر قیر چیچی ، کونشک ایلك ضیاسنه عرض  
 افتقار اتمش بر باشاق دانه سی کشف ایتکه آلیشان پارماقاری براکین  
 دمتنی طوتیور . اودمتک ایچنده صحرانک سعادتق ، بدویتک مسرتق  
 منقوشدر ،

ایشته بو قزجغز شهرلرک لطیف قاملیارینه ، پنبه سنبلرینه ،  
 قیرمزی غنچه لرینه مقابل انه طبیعی بر چیچک آلمش ، خورشید مغرب  
 آرانک او چیچک اوسته دو کدیکی صولره ضیای زرتینی ایله چپلاق  
 قوللرینی یالدیزلامش اولدینی حالده ماوی بردومان ایچنده کورینن

اقامتگاه لطیفنه دوعرو یورور. فکری مشغول ایدن بدایع طبیعت، روحی،  
دولودوران لطافت محبتدر !

نگاه متفکرانه سی کتاب طبیعتی ، قلب معصومانه سی صحایف .  
محبتی اوقویور !

قوشلر ؛ آقشامک زمان غریبنه مخصوص اولان ترنمات شوق  
آورانهلریله حزین حزین آقان درمنک چاغلتیلرینه معاونت ایدر .  
بر آز اول ، دکزک هیجان انکزدالغولرینی ساحلله دوکن نسیم دورمغله  
اودریای بی پایان اوستنده اوفاق بر حرکت بیه کورلمز . یالکز افقک  
اوستنده نظرلردن آهسته آهسته دور اولمقده بولونان کلبک قدر بریلکن  
واردر . سکوت ! . . . چغجی قیزی قولوبه سنه یاقلاشدقجه سکوت نامتنا  
هی بی قوزولرک له یشلری اخلال ایتدیکی صیرده ، بواسوات محزونانه یه  
ناقل و اویلا ی محبت اولان بر قوالک نعمات حزن افزاسی قاریشیر .  
آحجق بوصول صدا ، قیزجغزک روخنده بر تبدل حصوله کتیرر .  
قلبی ، احساسات رقیقه محبتدن حصه دار اولدیغنی افهام ایچون خلیان  
ایچنده قالیر . بوسوکیلی مخلوقک بر نانیه لک تبدلنه سبب اولان ، هرکون  
کندیسنی ننده اکین دمتیله کورن طالعلی بر چوباندر . چغجی قیزی  
دمتک امتداد ایتسندن اوتانیر . اوزون کیر پیکلرینی ایندیرر . ینه  
دالار ، ینه درسینه مشغول اولور !

نگاه متفکرانه سی کتاب طبیعتی ، قلب معصومانه سی صحایف محبتی

اوقویور !





( تارلاده عودت )

## ( یووا ) صیغه ۸ ، ۹

سھانك صاف ، هوانك سھكت برزمانده طلوعه قارشى ، خفيف  
خفيف اسن نسيم دنلوانك اهترازه كتيرديكى دالك اوستنده ساللانہ  
ساللانہ كوچوك سياه كوزلرني دورا دور اقلره ديكرهك ، مېم  
برزمزه ايله احتشام طبيعى آلفيشلايان سوداوى قوشك قانادلى نوره  
يويانمش ؛ قاركبي كوكسى اشعه زرين خورشيد آراسنده پارلامفه  
باشلا مشدر .

بوميني ميني مخلوق ، كوچك آياقلىرى اوداله ربطايتديكى حالده ،  
قانادلىرى بوضئى آشيانه يى روحوپرور جويلتيلريله شنلدين ياورو-  
لرينك اوزرينه آچار ؛ اوقدر كوچوك كورديكمز قوشجغزك حسيات  
رفيقه بدرانه تبعيله كاشاني محيط اولان كوچوجوك قلبى خيطان  
ايچنده در . برهار صباحك ، ژاله لي چيچكلرى آراسنده ، وحشى  
چاللىرى ايچنده روحنك الكزين لساني ، قلبنك الك بليغ ترجماني اولان  
سوداوى نغھلريله رفيقه حياتنه — سھرك ، روحى مجبور استغراق  
ايمه مسى قابل اولميان برزمانده — اعتراف ايتديكى محبتك ثمره لرى .  
شهبانك محافظه ايتديكى آشيانه ده ، برازاول شفقه طوغرى قانادلىرى  
تھريك ايدن والدم لرينى بيكلر .

اومادر شفقت پرور ، ارککندن ، یاورولری طرفندن متصل ،  
 اوپولن غاغالرینه چوققلرینک قوشلق طعامنه کفایت ایده جک برشی ،  
 صیقشدیرمش اولدینی حالده ، آوجیلرک دانئه اهانندن کیزله کیزله  
 فقط سرورندن چیرینه چیرینه کلیر . طبیعت طرفندن بوبختیاروالدهیه  
 بر معاونت اولمق اوزره آشیانهک مدخلنه اوزانان واوراده طبیعی  
 بر بالقون کبی کورینز آصمهک اوستنه چیقار ؛ قابوغنک بر قسمی قیرلمشده  
 ایچندن یاوروقوشلرک کورونمکده اولدینی تنظیرایدن یومورطه شککنده -  
 کی آشیانه لطیفک دروتنی بر آوازه مسرت ، بر لوله سرور انکیز  
 طولدیرر ؛ چوققلرک روحلرنده اولدینی کبی قوشلرک روحلرنده ده  
 اسرارینه واقف اوله مدیغمز برحس نامتناهی واردر : والده آغزینی  
 اوزاتیر . یاورولر مقابله ایدرلر ، وجودلرینه نسبتله بیوک عد اولنه  
 بیله جک آغزلینی - انلری ده زبون احتیاج ایلمن برحس طبیعی یه  
 تبعیه - آچارلر . غدالرینی آلدقن صوکره اوکوچوک یوانک ایچنده  
 مسروریتدن مرکب جویلتیلر حکمفرما اولور .

والدهلری بختیاردرر : محب طپور اولان برمرحتلی مدینک گندی ،  
 آشیانه سعادتلی جوارنده حصوله کتیردیکی لطیف بریوا ایچنده صافه  
 برهوی نسیمک قارشیسنده یتشدیردیکی محبت نمره لرینک آوازه شوق  
 و سرورینی دیکلهیه دیکلهیه جویبار آهسته روانک بو آوازه شوق  
 سروره قاریشان نغمت حزیننی ایشیده ایشیده کوزلرینی - سمای  
 لاجوردیده شمشعه فشان اولان عظمت ، آلهیهک دلائل منیره سندن

باشقه برشی اولیان — اختران ضیائشاره عطف ایدرک خالق کائناته  
قارشی عرض پرستش وشکران ایدر .

پدرلری مسعوددر : مهتاب لطافت نشارک قیرلره ، چیچکلره ،  
دره لره بخش ایتدیکی اوروحانی سکون ووحدت آراسنده رفیقه سنک  
یاورولرینک نعمات سعادت ایله طرفزرا اولدقلرینی ایشیده ایشیده ،  
باغچه نک . ملون ، معطر چیچکلری آراسنده بویله بر آشیانه مسرتک  
محافظی ، حامیسی اولدینی ایچون طلوع وغروب زمانلری جناب حقه  
قارشی الحان حمد وثناسنی اعلا ایدر .

یاورولری مسروردر : ماوی برسمانک آلتنده ، یشیل برزمینک  
اوستنده ، آکسزین کوزلرینی آجدقلری جهته کیچنک رنگ ماتم  
آلودینه آسمانک سحائب ملونه سنه ، صولرک آقیشنه ، قمرک کمال احتشام ایله  
طلوعنه حیرتله باقارلر . متصل اوترلر . چیرپنیرلر . متصل الحان  
معصومیتن دم اورورلر .

( مزار مادو )

صوک بهارک حزین ، سرین برکوننده ، کریه طبیعت اولان  
خزانک — صاریلقده ورم ( متورم ) قیزلرک چهره سفی تنظیر ایدن —  
یاپراقلری پک آچیق ، پک معنیداز برر ندای محسرله زمین فایه سقوط

ایدرکن مکدر بر پدر معصوم چو جوغی طرفندن تعقیب اولونیوردی .  
 ادوار ماضیه دن ، یوزلرجه عصرلردن خبر ویرن اولو آغاچلرک غریب  
 برخشیتی ایله دو شمکه اولان یاپراقلرینک مزارطاشلری اوزرینه  
 عکس ایدن قویو سایه لری ، فنای عالمه عبرت آمیز بربرهان جلی اولان  
 قبرستانه بر عظمت و براحتشام روحانی بخش ایتمش ایدی . پدرله چو جوغک  
 قورومش اولتر اوزرنده یورومه لرندن حصوله کلن بر صدا سکوتی  
 اخلاص ایدردی .

بوصادان بشقه برغریب سس دهالیشیدیلیردی : اوده آراضیره  
 چیرکین چیرکین هایقیران برقارغه نك زیر حزنینده کوردیکی مزارلرک  
 ساکنلری ایچون چیقاردینی برواویلا ، او قودینی بر مرثیه ماتم انکیزدن  
 عبارت ایدی ! . . اطراف تنها ایدی : یالکز بر بانچوان ، طوبلادینی  
 سبزه لری بر حیوانه تحمیل ایتمش اولدینی حالده ، یواش یواش یورویوردی .  
 — مطلق تجارتی یولنده اولمالدرکه — شوق و شطارتی اعلان ایچون  
 بر شرقی سویلیور ، کمال نشئه ایله دوداقرینه صقشدیردینی چوبوغنک  
 دو مانلرینی اطرافه صاوریبوردی .

پدرتیره مکه باشلادی ؛ بور عشه نك سببی حزین بر خاطره ایدی : بوندن  
 برسنه اول ، تام الصحه اولان وهر تبسمنده نور شطارت لمعان ایدن کنج ، کوزل ،  
 مطیع زوجه سی یاننده ، مینی مینی یاوروسی قارشینسنده ، سعادت قوجاغنده ،  
 بختیارلق قلبنده اولدینی حالده قبرستانک یاندن کچمه مشمیدی ؟ سحاب  
 آود اولان بر شب مهتابک اوبیاض مزارطاشلری اوزرینه صاچدینی